



武備志

貳百世貳之貳百世四

ケ 5
61
79





武備志卷二百三十二

防風茅元儀輯

占度載

度 四十三

四夷 十

哈密考 赤斤等衛附

古者西蕃北戎乃二種以之盛并而有之故

國初畫嘉峪關以西先後置衛八曰哈密曰赤斤蒙古曰安定曰曲先曰阿端曰罕東曰罕東左其先置後廢者曰沙州而哈密最西近土魯番去肅

明治 年 日 未

武備志卷二百三十二 占度載 度 四夷十

西番酋
長皆
鞏苗裔
矣

中朝命
官
秋長史
絕善本

州千五百里為西域咽喉以故重凡諸夷入貢必
哈密譯其文乃發其地故漢伊吾盧唐西伊州元
族屬威武王忽納失里居之後改封肅王卒弟安
克帖木兒嗣永樂元年遣使貢馬明年乞封詔仍
為王改稱忠順賜金印其部落有回回畏兀兒哈
刺灰三種皆領以都督統於王安克帖木兒立丁
年卒無嗣兄子脫脫先是俘蠻夷邸上厚撫之使
嗣王設衛置官以華人周安為長史劉行為紀善
駸駸視內藩矣未幾脫脫為祖母速哥失里所逐

朝不再
見

詔還其王與祖母睦如初朝貢不絕然酒酒昏縱
部下不附九年卒命都指揮哈刺哈納為都督僉
事守哈密是年封脫脫從弟免力帖木兒為忠義
王忠義王時哈密稍輯惟瓦刺一入寇忠義王以
聞詔詰瓦刺旋解去宣德元年忠義王卒詔以脫
脫子卜答失理嗣王仍稱忠順以幼故復立忠義
王子脫歡帖木兒為忠義王共理其國正統四年
忠順王卒子哈力鎖魯壇嗣王別名倒瓦答失里
嘗為其母乞醫藥上嘉予之仍勅罕東諸衛還所

掠哈密人畜無何瓦剌攻哈密劫王王母去詔詰
瓦剌歸王及王母哈密自是畏瓦剌稍貢于我軍
書諭王朝廷樹立之恩於先世甚厚背德不祥慎
毋爲人所誑惑也然竟不悛益通虜拘留漢人因
而轉賣者甚衆使者復暴橫至毆死護行軍校邊
臣請絕其貢詔曲貸之天順元年倒瓦答失里卒
弟卜列革嗣王乞朝服束帶母妻冠袍及兵器諸
物詔下有司予王朝服母妻髀姑冠餘勿許隨以
王母努温答失里請先後賜乘轎洗盆金箔茶香

及諸藥物甚夥其後請以部人必刺牙失里爲國
師上曰國師以優西僧之有戒行者難輕授其令
爲都綱天順末卜列革卒世絕王母署國請以族
人阿兒察嗣阿兒察辭乃命把塔木兒爲右都督
守哈密把塔木兒者故忠義主脫歡帖木兒外孫
也初王母以非族類不宜立而哈密酋母雜法兒
等及國人請之堅故有是命把塔木兒死子罕慎
嗣爲都督成化九年土魯番強控弦可五萬其酋
速檀阿力尤雄黠速檀華言王也攻破哈密執王

武備志卷之三十一
母及金印去罕慎竄居苦峪城甘肅守臣以聞兵部議哈密我藩籬土魯番無故奪之此而不問則諸衛將盡爲蠶食嘉峪之外皆敵疆矣必復之乃使都指揮詹昇諭赤斤蒙古諸衛以輔車唇齒宜自爲計而遣都督同知李文右通政劉文討之至則調赤斤罕東兵數千駐苦峪不敢進謬言阿力欲擣一衛虛還其兵使自守而身自歸朝阿力遂輕中國益侵我內屬諸夷時遣使稱王母死還金印城池以虛辭謾我十四年阿力死子阿黑麻稱

速壇未壯守臣請乘間納罕慎哈密至十八年罕慎入哈密晉左都督罕慎貪殘失國人心西域諸貢使苦要索有怨言弘治元年奸回誘阿黑麻使攻哈密阿黑麻亦壯乃曰罕慎非脫脫族安得王王故應我因好語罕慎與結姻乘盟殺之遣使入貢言罕慎病死請代王領西域職貢兵尚書馬文升議諸夷各有分地安得相併兼夫以北虜之強我尚却其款何物小酋欲與我媾且憫然王也格不予而遣哈密部酋寫亦虎仙諭阿黑麻以金印

歸擇所宜王文升謂夷俗重種類且服元久非是
族也不可使守乃行求忠順近屬安定主裔孫陝
巴爲王以奄克孛刺阿木郎輔之二酋輕重不相
得陝巴空名耳無與爲守阿黑麻乘間攻殺阿木
郎執陝巴去而以阿木郎奪賞物掠其牲畜爲解
事聞賜敕切責遣侍郎張海都督同知緱謙往經
略之會土魯番使來海請羈之肅州而再勅阿黑
麻令歸陝巴廷議勅無爲也我愈衰而夷愈重不
如海自以檄往不聽則伺隙誅之或閉關絕之制

在我矣通事王英言罕東及野也乞里諸夷怨土
魯番刺骨我無而用之皆吾兵也西域使者方叩
關倚互市爲利我聲阿黑麻謝西域毋與通彼
窮而歸怨皆吾間也如是則土魯番勢孤自保不
暇烏能有哈密哉詔從廷議命海檄土魯番須臾
已歸責乃許不則留前使毋遣而絕其後使仍以
烏亦虎仙等爲都督轄二種夷奄克刺爲之長
如罕慎故事海等不待詔遽歸下獄謫免阿黑麻
遂自稱可汗略罕東諸衛聲取甘州于是戍其使

四十餘人於兩廣而補用王英策閉嘉峪關西
 域貢令怨阿黑麻是時阿黑麻已西去留其將牙
 蘭以四百騎據哈密文升計是可襲而虜也謂肅
 州撫夷指揮楊翥汝執漢情策安出翥言罕東有
 徑路達哈密不旬日至襲之以罕東兵為鋒我
 兵繼之文升喜屬陝西巡撫許進總兵劉寧仲
 府彭清以三千騎往遲罕東兵不至乃循大路行
 乏水草騎不得馳牙蘭調知遁去兵入哈密獲
 巴妻女并牛羊二千宥脅從八百人我士馬亦多

均故... 遠征... 念邊臣出... 功... 錄
 各... 差而... 哈密... 久... 苦... 兵... 困... 甚... 不... 能... 支... 盡
 焚... 舍... 內... 徙... 肅... 州... 先... 是... 奄... 克... 李... 刺... 并... 種... 人... 亦... 寄
 居... 亦... 斤... 守... 臣... 片... 為... 請... 居... 之... 苦... 哈... 給... 牛... 種... 耕... 牧... 自... 便
 存... 兒... 李... 刺... 為... 亦... 虎... 仙... 來... 貢... 請... 乞... 無... 厭... 至... 許... 訴... 曹
 郎... 禮... 部... 尚... 書... 徐... 瓊... 疏... 逐... 之... 十... 年... 秒... 阿... 黑... 麻... 以... 絕... 貢
 失... 互... 市... 窘... 乞... 歸... 陝... 巴... 易... 故... 四... 十... 餘... 使... 貢... 如... 舊... 詔... 起
 前... 威... 寧... 伯... 王... 越... 郎... 諸... 路... 議... 還... 其... 使... 其... 明... 年... 陝... 巴... 歸

古... 度... 四... 七...

復改封遣兵護之國以奄克孛刺寫亦虎仙等佐之奄克孛刺以兄罕慎故怨土魯番越復以罕慎女妻啖巴結其心稍稍立而陝巴嗜酒培克部酋阿孛刺復構阿黑麻迎其次子真帖木兒爲王陝巴奔守臣令董傑諭阿孛刺還陝巴不聽傑與奄克孛刺等擒斬阿孛刺復其王送真帖木兒還土魯番時阿黑麻死諸兄讎殺真帖木兒懼不敢歸以母罕慎女也依奄克孛刺守臣恐與陝巴嫌使居甘州而其兄滿速兒稍定國亂自立矣正德元

年啖巴卒子拜牙郎嗣滿速兒與迺好上書求真帖木兒兵部議我方質其所愛不宜予六年議予之湯沐衣幣遣歸以都督寫亦虎仙滿刺哈三爲護行至則留不歸反以我情輸滿速兒而迺之侵我奄克孛刺以聞因具言拜牙郎欲叛中國從土魯番國且不守遂奔肅州頃之滿速兒逐拜牙郎使其將火者他只丁守之詔都御史彭澤督師往討時鄧璋爲總制給事御史言兩帥並置莫適任也宜罷遣不聽澤度滿速兒強未易兵定乃以繒綺一

千白金器皿入土會番庭說令和好滿速兒喜許
歸金山城池澤召還而拜牙郎尚爲所留我益幣
索之卒不應滿速兒益驕日夜與寫亦虎仙牙木
蘭等謀入犯縱騎蹂關外及苦峪諸城會滿速兒
以他事怒寫亦虎仙將殺之火者他只丁爲解許
至蕭州歸幣千五百疋滿速兒喜釋弗誅遣入徵
幣無有也遂復奪哈密城大入爲寇遊擊芮寧與
戰死之亡七百騎賊迫蕭州城下僞請和而陰約
諸降夷及夷使爲內應兵備副使陳九疇廉得其

情收繫捶殺之嬰城守而使使憐瓦刺達兵掠其
巢滿速兒狼狽走我乘之頗有斬獲副總兵鄭廉
及奄克孛刺再敗之瓜州滿速兒復請和巡撫都
御史李昆以聞時方遣彭澤及中貴人張永往視
師疏至罷行而滿速兒實無意和語張甚又竟不
歸拜牙郎九疇議夷兄弟方內兢安能加我且各
無積聚師行則徵發煩擾未戰已先困矣我內地
早收堅壁待之可坐破也宜絕其使勿通都御史
昆議異謂不宜絕請上裁兵尚書王瓊右昆議從

乏瓊雅欲修却彭澤又心害九疇能以媒孽西止
事奸夷規知本兵指又度天子多嬖臣可賄中則
相與關通上書訟九疇激變邊并充後諸守臣逮
下獄澤奪官昆謫參政議殺九疇戶尚書澄持不
可及削籍而寫亦虎仙者以貢至夤緣倖臣以秘
術干上得待左右橫甚至鼻國姓嘉靖改元暴其
罪并子壻論死西市逮王瓊戍之起彭澤爲兵部
尚書九疇以都御史撫甘肅三年滿速兒以二萬
騎入甘州九疇先登戰力走之殺火者他只丁

部下傳滿速兒死九疇以聞上方念河西危急遣
兵部尚書金獻民都督杭雄率師西討未至以捷
聞獻民等實不見賊而滿速兒故無恙事頗上聞
諸議禮貴臣故善王瓊欲甘心澤九疇使錦衣百
戶王邦奇劾奏之上怒甚大學士楊一清爲請不
能得下法司議勸澤獻民歸里九疇且不測兵尚
書胡世寧力言九疇雖輕信所部上功失實然其
人忠力足任也且土魯番所忌惟九疇游辭反間
變詐百出罪九疇是快夷心自墮于城非計乃成

武備志卷三十五
之窮邊是時哈密已大殘餘衆千餘人走入塞守
臣撫存之歲給耕種多五百石少百石則夷酋請
乞煩我無以應乃以兵備副使趙載議甚其賜而
滿速兒既敗歸亦數使牙木蘭款關求貢尚書王
憲遣夷使往諭復不報六年秋乃遣馬黑麻虎力
孛翁來稱貢隨令牙木蘭入寇于是留其使肅州
明年夏牙木蘭降牙木蘭者曲先夷也幼爲土魯
悉所掠壯而黠滿速兒倚之數苦邊至是以入寇
不從欲誅之懼而來奔頃之虎力納咱兒犯肅州

其言不
可易交
吐大寧
自不可

趙載彭濟擊却之督臣王瓊以所斬獲示馬黑麻
等械下獄其年冬滿速兒請歸哈密瓊以聞下廷
議時頗有言哈密難守不宜復詹事霍韜力言置
哈密者所以離戎虜之交外鎮西域內蔽邊郡不
可失也或難其守欲棄之則甘肅難守亦棄甘肅
乎第宜覈夷情討軍實下令有能和輯諸夷屏我
西陲則果以其地毋規規忠順後爲也尚書世寧
疏言先朝不惜棄交吐大寧何有于哈密且我實
封殖忠順以爲外藩而自罕慎以來三立三爲虜

武備志卷三十五

古度載 度 四頁十

棄台密
自不必
復也

逐遂與戎比而窺我耗金幣勞士馬竭財力無尺
寸功徒使戎得挾以為資以邀索我臣以為此與
國初所封元寧和寧王順寧王安定王等耳安定
王又在哈密西最近邊今皆存亡不可知我一切
勿問而獨戀戀於哈密何也昔光武閉玉關後世
善之臣愚謂宜謝哈密專守河西毋煩憊中國報
聞滿速兒時往來關下遣人索前使及欲得牙木
蘭釋憾事聞將報許世寧復爭牙木蘭本我屬夷
土魯番安得索之且彼所恃者寫亦虎仙火者他

只丁今皆斃而牙木蘭復來歸是無柰我何我料
兵食以備之結瓦刺以撓之拊新附賞有功內治
既修何憂乎狡夷上是之章下瓊瓊引夷使伏塔
丁風諭朝廷威德為言牙木蘭已他徙釋馬黑麻
虎力嫺翁俾入貢滿速兒再使來語稍恭瓊慰犒
之遂以哈密歸然我竟不能存至二十五年復為
馬黑麻速壇所據語具土魯番考中諸酋札吉字
刺等瓊皆為講襲招居近地耕牧河西入貢如故
哈密名存而地久沒矣初阿力虜王母以不助掠

武備志卷三十一

占度部 度 四十一

廿

赤斤王母頗有威嚴能馭下王母虜赤斤諸衛相繼沒土魯番日以金印爲市通歸進奪我自楊翥議襲後無能以一騎踰關而西一聞其境徒重葉金印議論紛拏遣將召兵迄無虛歲而金印竟不返世寧發憤力爭不能格也都御史唐澤御史劉濂疏曰今之處土魯番與哈密迹有已然理有當然勢有必然撫之以恩則驕滋震之以武則力屈此已然之迹也順則綏之而備愈嚴逆則禦之而武母黷此當然之理也處置得宜則彼此俱寧不

則禍連而不解此必然之勢也蓋師戒輕舉寇難橫挑其大者有五焉尺藉空虛屯田榛蕪兵食不充一也我屢挫而法彼方勝而銳二也我失瓦剌之援進則無資彼合瓜州之力退且有據三也河東臨洮創夷未蘇赤斤諸衛零落殆盡根本旣搖藩籬亦撤四也西南苦虜東北苦戎并力則提襟深入則櫻腹五也况哈密遠在磧外豺狼是鄰強驅垂亡之部落復還久失之封疆兵必難留勢將自潰爲宜寬而撫之聽其自歸蒐乘補卒慎擇將

帥募民廣屯塞下使軍實且充然後蹈瑕邁農惟
吾欲爲平瓦刺城瓜沙與哈密襟喉西域拱衛中
華將無不可矣若今日則非其時也始王瓊與謫
戍以議禮諸臣薦銳意哈密後心知其難卒請從
澤等議焉

赤斤蒙古

赤斤蒙古周西戎戰國月氏秦漢屬匈奴武帝取
爲酒泉燉煌二郡晉屬晉昌郡唐屬瓜州後沒於
吐蕃宋入西夏元仍屬瓜州其地有白山多草木

禽獸永樂二年故韃靼丞相苦木子塔力尼率五
百人來歸設赤斤蒙古千戶所以塔力尼爲千戶
賜誥印所尋爲備千戶爲指揮命事十年叛寇老
的罕走匿赤斤命右庶子楊榮同豐城侯李彬議
討之彬榮計道險轉餉難且隆冬興師非司馬法
請止其上從之以勅諭塔力尼遂擒老的罕來獻
賜綺帶襲衣晉指揮同知塔力尼卒子且加失旺
嗣晉都指揮同知宣德七年所部韃靼人祖失加卜
等來歸命居之平涼正統元年且加失旺表言與

韃靼戰有功晉都指揮使五年晉都督僉事明年
勅諭且加失旺及都指揮革古者可兒郎等曰近
使者至哈密命爾與沙州衛護行爾獨棄朕命不
遵革古者又時率其屬往來沙州爲盜暴苦行旅
甚負朝廷所以建衛設官封殖爾等之意其改圖
毋忽其年赤斤蒙古以瓦剌寇掠乞內遷肅州之
白城山詔止之已請建寺其地守臣謂寺而不已
且予之果勿許便從之且加失旺卒子阿速嗣爲
都督僉事指揮同知鎖火者乞晉秩且言肅州都

指揮胡麟阻其市勿勅戒胡麟而以鎖火者爲都
指揮僉事先是且加失旺嘗言瓦剌也先來求婚
未卽聽至是也先遣人要阿速往受聘阿速以聞
復請內遷避瓦剌報詔也先求婚朕向許爾父自
擇便自心中阻顧受聘非宜往而見詐悔將何及
赤斤爾世守地奈何棄之爾第保險緩衆善自備
朕且命邊將緩急爾矣是時瓦剌強赤斤蒙古以
沙州罕東名內屬然陰與虜市至受平章等官沙
州酋薛令以爲言詔詰責之十年赤斤酋鎖合

者赴闕下乞携部落來歸上遣還下其事于總兵
 任禮始苦木娶西番女生塔力尼又娶于達達生
 鎖合者及革古者乃分所部為三帳自領中帳而
 使塔力尼領左隸以西番人鎖合者領右隸以達
 達人至且加失旺父子相繼長赤斤部衆強欲并
 右帳相讎殺不休鎖合者窘故自歸未幾死以其
 子切塔兒嗣為指揮同知而哈密使者往來逆赤
 斤為其部酋劫掠阿速不能禁我兵捕獲劫者械
 至京釋之景泰元年以擒叛寇功晉阿速都督同

知諸部下陞賞有差後復晉左都督五年左刺也
 先以書誘赤斤諸衛脇使助已阿速白其書上命
 守臣遣人諭阿速毋與左刺通成化二年阿速卒
 子瓦撒塔兒嗣為左都督六年以其叔父乞巴失
 加卜丁二人為指揮僉事佐瓦撒塔兒從夷族請
 也其明年瓦撒塔兒卒子賞播塔兒嗣十四年夷
 酋復表言賞播塔兒幼不更事指揮加定為衆所
 服乞晉秩代視事賞播塔兒亦自請之報可以加
 定為都指揮僉事仍令侯賞播塔兒壯還衛政是

武備志卷五十五 景泰 四十五

後土魯番陷哈密侵掠赤斤至正德間奪其印種人散亂多走塞下衛遂虛

安定 阿端

安定韃靼部也東爲罕東北抵古沙州地廣袤千里無城郭俗以馬乳釀酒壇帳爲廬產馬駝玉石洪武七年撒里畏兀兒安定王卜煙帖木兒遣使貢鎧甲刀劍等物賜織金文綺分其酋長爲阿端阿真苦先帖里四部給印章明年獻故元所授金銀字牌請出安定阿端二衛詔從之以裏酋沙刺

等爲指揮等官永樂二年表貢馬五百九遣河州衛指揮康壽往受之壽言令罕諸番貢馬償以茶官爲轉輸今安定遠不便請給布絹報可安定王立未幾爲曲先指揮沙刺所殺部落潰散至永樂十一年其孫亦攀丹來朝復故封歸安定賜以印誥二十二年中使喬來喜等往西域至必立出江死於賊都指揮李英率兵至罕東問故罕東指揮綽里加言賊中使者安定曲先酋也英進兵擊安定斬四百八十級虜七百餘人獲駝馬牛羊十四

萬有奇曲先遁去安定王詰闕頓首謝有其罪遣歸宣德二年以安定僧賞觸領占為戒淨慈應國師給誥命銀印是後安定王與國師屢入貢而國師之外復有禪師正統時國師則桑出鄰真禪師則攝刺藏卜者禪師賞竹領真之姪也賞竹領真自永樂時來歸居西寧卒而攝刺藏卜嗣仍留西寧都指揮汪清疏其窺伺內地恐患邊詔歸安定輔其王九年安定酋那南奔等掠曲先我使往問復為所掠勅戒亦攀丹約束部落毋生

事十一年亦攀丹卒子領占幹些兒嗣王尚幼以其叔輟思叅已為都指揮僉事佐之成化時為土魯番殘破苗裔散失至弘治初安定王領真幹即兒子千奔請嗣王許之終弘治世千奔時入貢正德七年亦卜刺破安定奪誥印據其地餘眾內徙嘉靖間復令部酋嗣為指揮領其眾然安定王後無考而阿端久沒莫知其處矣

曲先

曲先在安定西古西戎部落元置曲先答林元帥

府，洪武四年設曲先衛，以土酋散西思爲指揮同知，其後爲朵兒只巴所攻，并曲先入安定，居阿真地。永樂四年，指揮哈三散即思三即等表言：西番侵暴，乞仍立衛徙治。藥王淮報可以，三即領衛事，給印章，并徙安定治所。於昔兒丁永樂末，散即思及安定酋刼殺中使，洪熙改元，命朱英討被安定追踰崑崙西數百里至雅令闊地，曲先遠遁。英還師，都督史昭言：叛酋未獲，宜窮追。詔已之。宣德二年，散即思復掠使者及西域貢使，命史昭率安定

罕東兵討之，散即思懼而逃，遣弟千戶堅都等進馬贖罪，上以遠夷不足較宥之，還其俘，令居故部。指揮那那罕表言：二女四弟及部落五百餘人皆爲安定所虜，及餘衆潰居西番江，不敢歸。詔安定王亦攀丹索部下遣還，仍諭居西番江者使復業。其後屢入貢，然亦苦土魯番內徙失故地。

罕東 罕東左

罕東在赤斤蒙古南，亦西戎部落。洪武二十五年，侵塞涼國，公藍玉討之，將佐諫勿深入，不聽。師至

阿真川土酋哈咎等皆遁去不復虜而還三十年
酋長鎖南吉刺思遣使入貢立罕東衛以鎖南吉
刺思為指揮僉事永樂二年與其兄答力襲等十
六人貢馬晉指揮使塔力襲為指揮同知頭自奴
奴為指揮僉事皆賜冠帶鈔幣自是貢不絕洪熙
元年指揮那那奏所部夷人以負肉供馬逃赤斤
復坐官兵討曲先相驚欲為亂上令守臣招撫之
使復業曲先之役罕東頭自班麻思結率所部從
擒斬首虜獲駝馬牛羊以獻宣德七年論功授指

揮使九年罕東別部劄兒加邀劫使者命都督劉
廣史昭討之廣昭相與計寇負罪重必深匿我以
討叛名而遁逃之弗誅兵且無震乃先使指揮祁
賢以百騎往覘敵行月餘渡畢力木江劄兒加詣
賢自歸請還所掠貢馬謝廣等以聞命宥之正統
五年赤斤蒙古言指揮鎖合者殺人逃罕東且誘
其部落哈密亦言罕東擅相攻虜掠人畜兩詔戒
諭之十四年班麻思結言哈密來侵上念諸夷數
相告言構怨無已時而哈密又累誘瓦剌盜塞下

詔都御史馬昂約勒忠順王毋與罕東讎且令偵虜情報我成化九年土魯番攻奪哈密都督李文右通政劉文奉命調罕東兵往討遂巡解歸是時罕東諸夷皆因土魯番而夷酋奄章先因與諸族讎殺逃居沙州朝廷許其耕牧輸貢部落日蕃班麻思結即奄章子也至是其孫只克以沙州衛既廢請立罕東左衛治其地下兵部議從之以只克嗣其祖官領衛事已晉都督僉事弘治八年土魯番掠沙州迫諸夷自附只克請救用兵部尚書馬

文升議發罕東兵襲之我師出罕東失期不能有大功自是土魯番入寇每假道罕東令給食而亦不刺安定數掠其資罕東愈微至弘治時往往款肅州塞求恤矣只克卒孫日羔刺嗣為都督嘉靖初與別酋帖木哥土巴先叛阿土魯番者皆來歸邊臣請分其衆半居肅州白城山半居威虜仍擇其壯勇練習之番休迭上皆聽日羔刺約束部落駸蕃而我邊以餉莫糜倉粟坐困

沙州

武備志卷三十三 占度載 度 四夷十

沙州與赤斤接壤，洪武二十四年，王子阿魯哥失里遣使朝貢。永樂三年，置衛以其酋困即來買住二人為指揮使，給冠帶印誥。困即來領衛事，通進都指揮都督宣德七年來告饑，上語戶部臣曰：「救災恤患，朕固不吝然勞內以事外，非計其命肅州具糧五百石使困即來自取之，頃之言諸莫侵掠請徙居察罕舊城不許。」正統四年，所部都指揮阿出不花等遁入哈密及罕東，酋班麻思結等竄居其地，困即來以聞。上命哈密罕東還其遁，并歸侵

地，仍諭困即來善撫部落，毋盜鄰。啟釁其後，屢偵瓦刺哈密事情，遣使來告上嘉勞之，賜綺幣晉其子都指揮僉事喃哥及指揮僉事薛令等各一秩。七年，令邊將率戍卒助修苦峪舊城，從困即來請也。城竣入謝，賜綺幣襲衣，歸言瓦刺也先欲為弟娶其女，詔聽自便。九年，困即來卒，困即來受職四十餘年，朝貢頗恭，官為祭賻，以喃哥嗣為都督僉事，弟克羅俄領古為都指揮使，佐喃哥領衛事。明年沙州衛都指揮兀魯思不花貽書邊將言指揮

乃兒不花等欲誘瓦剌掠沙州守臣以聞上曰是書無喃哥名何也其令總兵任禮使人往覈之其明年任禮疏言喃哥弟鎖南奔爲瓦剌僞封今喃哥復言其就婚卒東虞有他變勅禮招撫之十三年禮擒鎖南奔以獻兵部請正法上以其父兄恭順釋弗誅是時喃哥以困瓦剌率部屬二百餘戶一千二百三十餘人來歸命居之山東平山東昌三衛自都督而下給糧及耕地有差沙州遂廢木幾喃哥卒克羅俄領古嗣後賜姓名羅秉忠

茅子曰凡祖宗所垂有必不可更者成憲是也有必不可固者機宜是也憲者利病均焉故先王之制憲也度其利又商其害神謨深遠杜幾察微後世君臣不得而輕議也若機宜者因乎時而已故漢高與虜和親而武帝以補斬收底定之功前漢開西域斷匈奴之右臂而光武以閉關致寧謐之福寧有定軌哉明興諸夷自北虜外其煩懣中國則哈密爲甚夫番雖勁不能當虜之十一而我以二祖封殖守之不改木以夷防夷而後反樹彼以

勞我故易日知幾者其神乎知幾者而後可與謀國事矣

武備志卷一百三十二

武備志卷一百三十二

防風茅元儀傳

占度載

度 四十四

四夷 十二

土魯番考

土魯番本漢車師前王地晉屬高昌郡唐為交河縣在大州西百里永樂六年番僧清來率其徒法泉等來朝貢方物命清來為國師法泉等為土魯

番僧綱司官賜鈔幣遣歸九年土魯番總統古麻刺失里十一年萬戶賽因帖木兒各遣使貢十二年吏部員外郎陳誠使西域歸土魯番遣使隨誠入貢後遂授其酋長為都督都指揮等官宣德五年番酋都督僉事尹吉兒察及指揮僉事猛哥帖木兒等各率其孛來朝請留京師自効上嘉其誠從之賜居第什器尹吉兒察死其子卜煙川兒復自土魯番來歸授指揮僉事正統天順間土魯番朝貢不絕成化初阿力始強自稱速檀猶王也累

引兵劫掠哈密諸部地幾盡九年遂入哈密據其城執王母奪金印阿力死子阿黑麻嗣阿黑麻死子滿速兒嗣相繼擾哈密及赤斤蒙古諸衛攻掠甘肅為患不休嘉靖初王瓊招撫之復歸哈密語具哈密考中滿速兒死子沙速壇嗣次子馬黑麻復據哈密耕種沙州遣使求貢并求給地以居守臣以聞兵部議土魯番父子世濟兇惡今馬黑麻結婚瓦剌潛耕屬衛意在西抗彼兄東侵我土奸謀發露乃始款關求貢請居近地此正欲為窺伺

甘涼之謀漸不可長宜令守臣諭以華夷界限不可踰越毋妄乞地方毋盜種沙田毋殘害哈密母苛取貢夷乃可許其通使如執迷不悛陽順陰逆則宜徵兵征討閉關絕貢詔可二十六年馬黑麻赴關納款土魯番使入者阿力克等八百餘人因而叩關總兵仇鸞巡撫都御史傅鳳翔盡延入關居之甘州故事土魯番五年一貢貢使半留肅州半留甘州至是諸夷貢不如期且請毋析居屬楊博代鳳翔不許因稍為調停示寬恤詔姑從之仍

奪鸞鳳翔博俸有差嘉靖末沙速檀以潛掠北虜中流失死弟馬速嗣屢貢隆慶時馬速死馬黑麻嗣其弟瑣非速檀虎來失速檀阿卜撒亦並遣使求貢守臣為請禮部言瑣非等所請本非令甲俱遠人效順難以終絕而一姓四使又於禮不可宜姑令瑣非等各附一使於馬黑麻使中以示羈縻制可其地去哈密千里中經黑風水草俱乏難以遠據而自阿力以來皆挾哈密以邀利至隆慶後不復言哈密事土魯番亦戢始陳誠使回言其國

武備志卷之三
城西百里有靈山最大夷人言此十萬羅漢涅槃處也近山有高臺傍有僧寺寺下皆石泉林木從此入山行二十里至一峽峽南有小土屋屋南登山坡坡有石屋屋中小佛像五前有池池東有山山石青黑遠望紛如毛髮夷人言此十萬羅漢洗頭削髮處也循峽東南行六七里登高崖崖下小山纍纍峰巒秀麗峰下白玉成堆似玉輕脆不可握堆中有若人骨狀者甚堅如石文理明析顏色光潤夷人言此十萬羅漢骨也又東下石崖崖上

石笋如人手足稍南至山坡坡石瑩潔如玉夷人言此辟支佛涅槃處也周行羣山約二十餘里悉五色砂石光焰灼人四面峻壑窮崖天巧奇絕草木不生鳥獸鮮少云自誠使後土魯番漸張吞併諸國地大人象異於何時矣其地近土魯番者為次州伊陳

茅子曰葉少師嘗有云土魯番彈丸地耳漢一戊巳校尉足鞭箠諸國唐文泰稍不恭侯君集偏師執之無留行也乃至明而桀甚何哉豈祖宗之

神歲淵畫詳於北而略於西無以震之故歟
於喀密而禍結於邊陲綿綿涓涓裁之不阜固禦
戎之鑒也

武備志卷二百三十三

武備志卷二百三十四

防風茅元儀輯

占度載

度 四十一

四夷 十一

西番考

西番古土番地本羌屬凡百餘種散處河湟江岷
間至唐時并吐谷渾始盛唐末復衰宋入貢不絕
元世祖始郡縣其地以番僧八思巴為太寶法王

帝師領之嗣世弟子號司空司徒國公佩金土印
明興洪武二年遣使持詔諭之隨寇臨洮守將韋
正禦之時河水未合師不得濟正祝天賊若平者
則令河水頃之有冰如巨屋自上流而下風隨之
冰合即渡河搆其營賊大驚請降自是諸部相繼
來歸六年令諸酋舉故官授職以攝帝師喃加巴
藏卜為熾盛佛寶國師給玉印置烏思藏朶甘二
指揮使司及宣慰司招討司元帥府萬戶府官故
國公南哥思丹八亦監藏等為指揮宣慰招討元

帥萬戶等官領之明年陞烏思藏朶甘為都指揮
使司置西安行都指揮使於河州以韋正為使統
二番司復封番僧為太寶法王太乘法王闡教王
護教王闡化王贊善王凡七王各給印誥俾導其
眾約比歲或間歲一貢使者時往撫諭八年川藏
族殺我使鞏哥鎖南等於是命衛國公鄧愈為征
西將軍沐英副之討川藏師分三道進覆其巢窮
追至崑崙山俘男女一萬口馬五千匹牛羊十二
萬而還十二年洮州十八族番酋二副使汪舒朶

見瘦唎子阿卜商等叛據納鄰七站復命英討之英兵至洮州賊皆遁去斬叛逃土官阿昌失納等築城於東籠山南川留兵戍之疏聞上曰洮州為西番門戶城之是扼其喉矣命置洮州衛英兵進擊副使瘦唎子悉破擒之斬獲人畜甚眾十五年勅松州衛指揮耿忠令番人討戶出馬充賦名為差發二十年禁番使闌出麻鐵二十五年建昌衛指揮使月魯帖木兒繹忽樂等叛都指揮使瞿能討之月魯帖木兒遣人請降諸將疑其詐請擊

之能不聽賊遂遁去上命京國公監玉討之月魯帖木兒與瞿能戰敗玉誘執之送京師伏誅玉因言四川地曠山險控扼西番連歲蠻夷梗化蓋由軍衛少而備禦寡也宜增置屯衛杜遏奸萌從之玉又請籍民為兵并討長河西朶甘百夷上曰民勞甚復籍之其何以堪長河西諸夷姑待後舉玉遂班師明年製金牌信符遣使頒給諸番諭之曰往者朝廷有需於爾必以茶貨償之未嘗暴有徵也近聞邊將多假朝命漁獵爾等朕甚惡之今後

遇有差發必合符乃應不者械至京罪之隨立茶
馬司於洮河二州聽番人以馬易茶民毋得私市
違者死遣曹國公李景隆至番市馬以茶五千餘
斤得馬一萬三千五百餘匹分給衛士復令禮部
檄長河西打煎爐番酋責以納馬修貢諸番咸積
首奉約茶法大行永樂元年遣使賜番酋及諸國
師白金鈔幣定番族來朝賞如格四年迎番僧尚
師哈立麻至京封大寶法王厚賜遣歸明年遣指
揮劉昭等往西番設驛通使仍撫諭軍民昭還遇

番賊劫掠率眾攻敗之洪熙時曲先安定一衛酋
邀殺中使朱英討破之以番兵從征功國師宛卜
格刺思巴等皆晉秩給誥命銀印宣德元年遣太
監侯顯等使諸番更三歲方歸正統四年生番隨
渠等八百二十九寨寨首曲吾巴等各遣僧入貢
初諸番有欲貢者爲生番所阻松潘守將趙得遣
入諭之故相率貢指揮趙諒與番僧商巴有隙因
與得誘執之掠其財其弟小商巴率眾入犯遣都
御史王翱都督李安討之翱察其枉出商巴于獄

武備志卷之五十四
具以聞諒，伏誅得謫。成復命商巴為國師。十四年，停西番金牌歲遣行人四人視茶政。景泰間，西番黑樓等三十一處男婦一百餘人朝貢，諸番柔服。獨董卜韓胡都指揮使克羅俄監粲稍桀黠，恃慢屢詔讓之，未幾死。天順五年，番寇涼州圍都督毛忠，總兵宣城伯衛穎戰却之。八年，西寧番族把沙作亂，穎與巡撫都御史吳琛率眾討破之。初，番僧入貢，不過三四十人。景泰漸增至天順，遂至二三千人。前後絡繹，賞賜不貲。所至騷動，成化元年禮

臣以為言，詔諭闡化王令遵貢期。三歲一至，毋多入。毋雜用國師禪師等印，未幾番僧劄巴堅參等以秘密法進，天子愛幸之。法王封號至累數十，字道從用，執金吾仗，賜予駢蕃，其徒錦衣玉食至數千人矣。九年，岷州番入寇，千戶包景禦之，被害十七年，給烏思藏諸番王及長河西魚通寧遠等宣慰司勅書勸令貢。時四川陝西驗入十九年，以都御史阮勤言歲運四川茶十萬斤，至陝給賜番僧二十四年，罷行人巡茶，以御史一人代之。自景

秦後茶政稍弛，番馬多不至，非復國初時矣。弘治末命都御史楊一清理其事，一清請復金牌信符舊制。疏曰：臣考前代自唐時回紇入貢，已以馬易茶。宋熙寧間行之，所謂摘山之產，易廩之良，無害而有利計之得者。我朝納馬，謂之差發，如田之有賦，身之有庸，必不可闕，非虐使於番也。因納馬而酬茶，體尊名順，非互市交易之比也。且非獨以馬故也。蓋西番之爲中國藩籬久矣。自漢武帝表河西列四郡，斷匈奴右臂，而漠南無王庭，今金城之

西綿亘數千里，北有狄，南有羌，狄終不敢越羌而南者，以羌爲世讎，功議其後也。不然，則河洮岷隴之區，能無戎馬之跡乎？夫羌夷之人，本非孝子順孫，徒以資茶於我，絕之則死，故俛首服從。此制番控虜之上策。前代略之，而我朝獨得之者也。頃自金牌制廢，私販盛行，雖有巡茶之官，卒莫能禁。坐失重利，垂六十年，豈徒邊方乏騎乘之用，將來遠夷無資於我，跳梁自肆，將生意外之憂，撤藩籬之固，甚非計也。請下所司申明舊制，昭示番族，使知

朝廷修復信符各供差發其不受約束者徵兵問
罪以警其餘奏上議行之正德初番僧復肆法王
綽吉我些兒者烏思藏使也以術得幸出入禁中
請授其徒二人為國師還居烏思藏如大乘法王
例入貢禮部尚書劉春言烏斯藏遠在西方性極
頑獷雖設四王撫化而其來貢必為之節制令毋
患邊而已今無故遣僧往萬一詐誘羌胡妄有所
求請因以冒利不從便為失異俗意從之則反生
事端其害甚大請罷之不聽遂遣奄劉允入番取

佛禮部尚書毛紀及臺諫連章諫上俱不聽是時
西海通虜亦不刺暴掠西番無寧歲徵兵逐勦虜
避走松潘旋歸故巢費以萬計竟無成功嘉靖元
年西番反鎮守都督鄭卿討之不能克自是歲入
境殺虜人畜卿與諸將各擁兵不戰總督尚書王
憲以聞詔讓卿八年洮岷番賊數入鞏昌隴右騷
動兵部議西番為患皆因茶禁弛廢處置失宜故
相挺而起此所司之過且聞番衆為亦卜刺侵苦
因以役屬番胡交通益肆猖獗何以善後昔漢趙

充國不戰而服羌段熲殺羌百萬軍興煩實內地
為之虛耗是知用勇將者逞目前之快任老成者
獲萬全之安乞廣宣帝之明專充國之任制馭方
略悉聽總督尚書王瓊假以便宜毋有所撓從之
瓊徵集大衆開諭諸番示以福禍多聽撫惟若籠
板爾及刺啣等族不服乃分兵攻之破若籠板爾
二族蕩其巢刺啣等族震懼稽首聽命凡斬首二
百六十餘級降七十餘族諸番復定十二年烏都
鵠鴿番為亂四川巡撫楊守禮討破之是時金牌

茶法之
永不振
以此也

四
食

為海虜所掠盡散失二十八年劉崧以為言兵部
議番族變詐不常北虜抄掠無已脫給而再失失
而又給使又失之如國體何夫番人納馬欲得茶
耳誠嚴闡出之禁雖無金牌馬將自集不然終無
益也宜給勘合如成化故事從之四十二年烏思
藏闡化等王請封上以故事遣京寺番僧遠丹班
麻等為正副使以通事序班朱廷對監之班麻在
途騷擾廷對歸白其狀禮部議自後請封即以勅
付其使毋別有所遣從之封諸藏之不遣番僧自

此始也王瓊既定諸蕃亦卜刺亦為虜所收復西陲稍寧至隆慶末虜俺答以迎佛為名復駐牧西海蠶食日甚番人大困矣番有生熟其受差發者為熟番不者為生番俗質直朴魯上下一心君臣為友吏治無文音樂尚琴瑟食酪衣氍居毛帳務耕牧好狼鬪貴壯賤弱懷恩重利尊釋信詛其山川崑崙山可跋海黃河析支湟水為大物產犂牛羴羊草上飛骨篤犀金剛鑽馬價珠銅佛天鼠皮璫璣沙棠樹黑驢為奇貢道由四川陝西屢違約

多人且不如期至隆慶三年俱限三年一貢定名數每處赴京毋過十人餘留邊候命賞賜有全有減著著令

茅子曰我蓋聞之葉少師云西戎為患自三代然矣盛於漢熾於唐而馴服於明非向背之情異也合則強分則弱勢固然耳然當其強也足以抗虜及其弱反抗而入於虜抗虜則虜虞是虎爭之形也折而入於虜則我虞是蠶食之漸也是又無全利全害者也夫正嘉以前河湟之守未矣虜不西

也自亦卜刺逋俺答謫而青海為虜穴矣負隅而
耽耽我其能久有羌哉以羌合羌尚為我患以虜
合羌憂方大耳夫欲制羌命伐虜謀則有高皇帝
之神謨在其毋泄泄然以羌予虜也余感之按其
設官於左以為將來者鑒焉

都指揮使司二

烏思藏都指揮使司

朵甘衛都指揮使司

指揮使司一

隴答衛指揮使司

宣慰使司三

朵甘宣慰使司

董卜韓胡宣慰使司

長河西魚通寧遠宣慰使司

招討司六

朵甘思招討司

朵甘隴答招討司

朵甘丹招討司

朵甘倉澆招討司

朵甘川招討司

磨兒勤招討司

萬戶府四

沙兒可萬戶府

乃竹萬戶府

羅思端萬戶府

別思麻萬戶

十戶所十七

刺字千戶所

朶甘思千戶所

長河西千戶所

字里加千戶所

加八千戶所

多八三孫千戶所

納竹千戶所

兆日千戶所

果由千戶所

倫答千戶所

沙里可哈忽的千戶所

李里加思千戶所

撒里土兒千戶所

參卜郎千戶所

刺錯牙千戶所

泄里壩千戶所

闊則魯孫千戶所

通志卷之三

武備志卷二百三十四

諸星土

參

諸星土

